



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ. 010-51-29-53

N 91/2402

21 > 02 2022թ.

Գուրգեն Գասպարյանին

Հասցե՝ ք. Երևան, Շենգավիթ, Փափազյան փող, 17 շ, 91 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180092113 վարչական ակտին անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<3>>թերթ:

**Պետ,
ոստիկանության գնդապետ՝**

Ա. Ումրշատյան

Կատ. Հ. Հարությունյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 20.01.2022թ-ին կայացված 8180092113 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 02 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ռիմրշատյանս, վերանայելով Գուրգեն Գասպարյանի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

20.01.2022թ. ժամը 19:50-ի սահմաններում Երևան քաղաքի Լենինգրադյան փողոցում քաղաքացի Գուրգեն Գասպարյանի վարած <<Մերսեդես>> մակնիշի 88GG448 հաշվառման համարանիշի տրանսպորտային միջոցը կանգնեցվել է պարեկային ծառայության Երևան քաղաքի գնդի 1-ին գումարտակի 1-ին վաշտի պարեկ Վազգեն Զաքարյանի կողմից՝ ընթացքի ժամանակ վարորդի կողմից հեռախոսակապից օգտվելու համար:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 11-րդ մասի համաձայն կայացվել է որոշում՝ վերջինիս 10.000 ՀՀ դրամի չափով տուգանելու մասին:

Երևան քաղաքի Փափագյան փող, 17 շ, 91 բն. բնակիչ Գուրգեն Գասպարյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 20.01.2022թ-ին կայացված 8180092113 որոշումը՝ նշելով, որ իր կողմից նման իրավախախտում թույլ չի տրվել, քանի որ իր տրանսպորտային միջոցի տեխնիկական համակարգն այնպիսին է, որ առանց ձեռքի օգտագործման հնարավոր է հեռախոսով զրույց վարել: Պարեկային ծառայության ծառայողին պարզաբանվել է այդ մասին, սակայն ենթարկվել է վարչական պատասխանատվության, միաժամանակ իրեն չի տրամադրվել իրավախախտման փաստը հաստատող ապացույց, թեև իր կողմից եղել է նման պահանջ:

<<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու

հնարավորություն տալու նպատակով Գուրգեն Գասպարյանը հրավիրվել է Պարեկային ծառայության իրավաբանական բաժանմունք, սակայն լինելով պատշաճ ծանուցված, չի ներկայացել:

Պարեկային ծառայության Երևան քաղաքի գնդի 1-ին գումարտակի 1-ին վաշտի պարեկ Վազգեն Զաքարյանի կողմից տրված պարզաբանման համաձայն՝ Գուրգեն Գասպարյանը տրանսպորտային միջոցը քաղաք Երևան, Լենինգրադյան փողոցով վարելիս ձեռքի օգտագործմամբ ընթացքի ժամանակ օգտվել է հեռախոսակապից: Իրենց կողմից կանգնեցվել է տրանսպորտային միջոցը, վարորդին բացատրվել է իրավախախտման էությունը, սակայն վերջինս չի համաձայնվել վարչական իրավախախտման վերաբերյալ կազմված արձանագրության հետ և օգտվելով <<Վարչական իրավախախտումների վերաբերյալ>> ՀՀ օրենսգրքի 267-րդ հոդվածով նախատեսված իր իրավունքներից՝ հայտնել է իր անհամաձայնությունը արձանագրության իրավախախտի համար նախատեսված վայրում:

Ինչ վերաբերում է այն հանգամանքին, որ իրավախախտի տրանսպորտային միջոցի տեխնիկական հնարավորություններն այնպիսին են, որ առանց ձեռքի օգտագործման հնարավոր է հեռախոսագրույց վարել՝ ապա վարորդի կողմից կատարված **իրավախախտումը եղել է ակնհայտ և պարզ տեսանելի**, իսկ հեռախոսակապից օգտվելը չի ենթադրում միայն հեռախոսազանգ կատարելու փաստը:

Ոսումնասիրելով գործում եղած փաստերը՝ գտնում են, որ վարչական իրավախախտման վերաբերյալ գործով 20.01.2022թ-ին կայացված 8180092113 որոշումը ենթակա է կատարման հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> ՀՀ օրենքի 24-րդ հոդվածի 7-րդ մասի <<զ>> կետի համաձայն՝ վարորդին արգելվում է ընթացքի ժամանակ օգտվել ռադիոկապից և հեռախոսակապից, եթե դրանք կահավորված չեն առանց ձեռքերի օգտագործման այդ սարքերից օգտվելու սարքավորումներով (բացառությամբ ծառայողական առաջադրանքներ կատարող, օպերատիվ ծառայությունների տրանսպորտային միջոցների վարորդների), կամ ընթացքի ժամանակ ծխել:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 11-րդ մասի համաձայն՝ տրանսպորտային միջոցների վարորդների (բացառությամբ ծառայողական առաջադրանքներ կատարող, օպերատիվ ծառայությունների տրանսպորտային միջոցների վարորդների) կողմից թեկուզ մեկ ձեռքի օգտագործմամբ ընթացքի ժամանակ ռադիոկապից և (կամ) հեռախոսակապից օգտվելը՝ առաջացնում է տուգանքի նշանակում՝ սահմանված նվազագույն աշխատավարձի տասնապատիկի չափով:

«Ճանապարհային երթևեկության անվտանգության ապահովման մասին» ՀՀ Օրենքի 17-րդ հոդվածի 1-ին մասի «ա» կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել

տրանսպորտային միջոցը, եթե՝ ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ: Տվյալ դեպքում անհրաժեշտ եմ համարում նշել, որ վարորդի պատասխանատվությունը վրա է հասել տրանսպորտային միջոցը վարելիս հեռախոսակապից օգտվելու համար, ուստի օրենսդիրը, տեսուչին տալով լիազորություն իրավախախտումը հայտնաբերելու, արձանագրություն կազմելու, որոշում կայացնելու որպես պարտադիր պայման, չի նշում տվյալ իրավախախտման փաստարկման համար տեխնիկական սարքի կիրառումը:

<<Վարչական իրավախախտումների վերաբերյալ>> ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով:

Գտնում եմ, որ դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 11-րդ մասի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 20.01.2022թ. կայացված թիվ 8180092113 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գուրգեն Գասպարյանին և պարեկային ծառայության Երևան քաղաքի գունդ:

Պետ,
նստիկանության գնդապետ՝



Ա. Ումրշատյան